



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-27143/19 RA
Sarajevo, 25.07.2019.godine

SKUPŠTINA KANTONA SARAJEVO
- o v d j e -
n/r Elmedin Konaković, predsjedavajući

PREDMET: Dostava odgovora na zastupničko pitanje - zastupnica Bibija Kerla

Zastupnica u Skupštini Kantona Sarajevo, Bibija Kerla, na Devetoj radnoj sjednici Skupštine Kantona Sarajevo, održanoj 19.06.2019. godine, u okviru tačke Dnevnog reda "Poslanička/zastupnička pitanja, inicijative i odgovori" u skladu sa Poslovníkom Skupštine Kantona Sarajevo, postavila je zastupničko pitanje, kako slijedi:

"Zašto se vrši diskriminacija stanovnika Kantona Sarajevo po pitanju plaćanja ulaznica na zaštićeno područje Vrelo Bosne?"

Obrazloženje:

Prilikom ulaska u zaštićeno područje vrela Bosne primjetila sam da pojedini građani pokazuju lične karte i besplatno ulaze u region zaštićenog područja Vrelo Bosne. Na moje pitanje "... kakva je razlika između mene koja sam platila kartu i onoga što je ušao na pokaz lične karte..." dobijem odgovor da je on stanovnik opštine Ilidža i da odlukom načelnika opštine gos. Memića stanovnici opštine Ilidža imaju besplatan ulaz u zaštićeno područje Vrela Bosne.

Po meni je to čista diskriminacija stanovnika Kantona Sarajevo, tom logikom bi i stanovnici Ilijaša trebali da imaju besplatan ulaz na Bijambare, stanovnici Starog grada bi trebali da imaju besplatnu Trebevičku žičaru...

Ko je u ovom slučaju nadležan da donosi Odluke, opštine ili Kanton Sarajevo u čijem vlasništvu su zaštićena područja Kantona Sarajevo?"

ODGOVOR:

U funkciji pripreme odgovora na predmetno zastupničko pitanje prethodno je zatraženo izjašnjenje Kantonalne javne ustanove za zaštićena prirodna područja (u daljem tekstu: Javna ustanova), koja u skladu sa važećim propisima upravlja Spomenikom prirode "Vrelo Bosne". U odnosu na Odgovor Javne ustanove broj: 07-3-639-1/19 od 15.07.2019. godine (koji dostavljamo u prilogu), dodatno ističemo da je članom 22. Zakona o proglašenju Spomenika prirode "Vrelo Bosne" ("Službene novine Kantona Sarajevo", broj 6/10 - Prečišćeni tekst) propisano, da se sredstva za obavljanje poslova zaštite ovog područja obezbjeđuju, između ostalog, i iz prihoda od prodaje



ulaznica. S tim u vezi, dana 15.04.2013. godine Upravni odbor Javne ustanove donio je Cjenovnik ulaznica za posjetu Spomeniku prirode "Vrelo Bosne", uz prethodno pripremljen Elaborat izrade cijena ulaznica. Cjenovnikom, na koji je tadašnje Ministarstvo prostornog uređenja i zaštite okoliša dalo saglasnost za primjenu, utvrđena je visina naknade za posjetu SP "Vrelo Bosne" prema kategorijama posjetilaca (odrasli - individualne posjete, penzioneri, invalidne osobe i studenti, zatim djeca od 6 do 14 godina starosti, te organizovane grupe - sa popustom po osobi), zatim određene kategorije posjetilaca koje se oslobađaju od naplate ulaza (djeca do 6 godina starosti, djeca sa posebnim potrebama, djeca bez roditeljskog staranja, te naučne i obrazovne institucije i organizacije nevladinog sektora koji se bave zaštitom okoliša uz prethodnu saglasnost Javne ustanove), kao i visina naknade za usluge snimanja u komercijalne svrhe.

Iz navedenog proizilazi, da su predmetnim Cjenovnikom prvobitno bili obuhvaćeni i stanovici Općine Ilidža. Međutim, o razlozima oslobađanja obaveze naplate ulaza stanovnicima pomenute Općine i time nemogućnosti primjene Cjenovnika na način na koji je isti i donesen, Javna ustanova je izvijestila u okviru pripreme odgovora na zastupničko pitanje.

Dana 23.03.2015. godine Upravni odbor Javne ustanove donio je izmjenu Cjenovnika ulaznica za posjetu SP "Vrelo Bosne", kojim se briše cijena ulaznica za organizovane grupe, budući da se u praksi zloupotrebljavala od strane posjetilaca ovog područja. I na ovu Izmjenu Cjenovnika Mnistarstvo prostornog uređenja, građenja i zaštite okoliša je dalo saglasnost.

Na kraju, ovo pitanje će se detaljno sagledati u okviru izrade novog cjenovnika ulaza i usluga u zaštićena prirodna područja Kantona Sarajevo, čija je priprema planirana Programom rada Javne ustanove za 2019. godinu.

S poštovanjem,

Prilog: kao u tekstu

Dostaviti:

- Naslov
- ☞ Stručna služba Vlade, ovdje (na znanje)
- Evidencija
- a/a





**KANTON SARAJEVO
Kantonalna javna ustanova
za zaštićena prirodna područja**

**CANTON SARAJEVO
Cantonal Public Institution
for Protected Natural Areas**

Broj: 07-3-639-1/19
Sarajevo, 15.07.2019. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo prostornog uređenja, građenja i zaštite okoliša Kantona Sarajevo
Sektor zaštite okoliša
Ulica: Reisa Dž. Čauševića broj 1
71 000 Sarajevo

PREDMET: Odgovor na zastupničko pitanje, dostavlja se

Dana 08.07.2019. godine Kantonalna javna ustanova za zaštićena prirodna područja je zaprimila dopis-Izjašnjenje /veza Vaš broj i datum: 05-05-27143/19 RA od 05.07.2019/. Dopisom se traži da ova javna ustanova odgovori na zastupničko pitanje upućeno od skupštinske zastupnice gđe Bibije Kerle, u vezi naplate ulaza u područje Spomenika prirode "Vrelo Bosne" na Devetoj redovnoj sjednici Skupštine Kantona Sarajevo koja je održana 19.06.2019. godine u okviru tačke Dnevnog reda "Poslanička/zastupnička pitanja inicijative i odgovori". U zastupničkom pitanju imenovana traži da se pojasni po kojem principu se vrši naplata ulaza u područje Spomenika prirode "Vrelo Bosne" zato što je uočila da pojedini posjetioci ulaze u područje besplatno na pokaz lične karte. Postavila je upit "Kakva je razlika između imenovane koja je uredno platila kartu i onoga što je ušao besplatno?" Dobila je pojašnjenje da odlukom općinskog načelnika Općine Ilidža stanovnici općine imaju besplatan ulaz u područje Vrela Bosne. Imenovana je konstatovala da je to čista diskriminacija stanovnika Kantona Sarajevo jer bi prema toj logici i stanovnici općine Ilijaš trebali imati besplatan ulaz u područje Zaštićenog pejzaža "Bijambare".

U kontekstu gore navedenog, dostavljamo sljedeći:

O d g v o r

Kantonalna javna ustanova za zaštićena prirodna područja već duži vremenski period se susreće sa problemima nepostojanja adekvatnog parking prostora i neplaćanja ulaza u područje Spomenika prirode "Vrelo Bosne" od strane stanovnika Ilidže.

Kada je u pitanju iznalaženje lokacije za novi parking prostor i izmještanje postojećeg već duži period Javna ustanova vodi intenzivne pregovore s resornim ministarstvom, Zavodom za izgradnju Kantona Sarajevo, Zavodom za planiranje razvoja Kantona Sarajevo i Općinom Ilidža. Postojeći parking prostor nema kapaciteta da zadovolji potrebe velikog broja posjetilaca, posebno parkinga za autobuse. Policija je redovno prisutna na prostoru, ali pri velikim gužvama dolazi do nepropisnog parkiranja i zaustavljanja vozila na putnoj komunikaciji od Blažuja prema Vrelo Bosne. Inače parking prostorom upravljaju ratni vojni invalidi na osnovu ugovora koji su zaključili sa Općinom Ilidža.

Što se tiče naplate ulaza i neplaćanja od strane posjetilaca s područja općine Ilidža, obavještavamo Vas da smo prilikom uvođenja naplate na ovom području imali ogroman pritisak rukovodstva Općine Ilidža s ciljem da se stanovnicima Ilidže dozvoli slobodan ulaz i samo pod tim uslovima isti su pristali na nesmetano uvođenje naplate u području Spomenika prirode "Vrelo Bosne". U konsultacijama s resornim ministarstvom pristali smo na kompromis koji se kroz ovaj vremenski period pokazao kao neprihvatljiva praksa imajući u vidu posjetioce sa područja Kantona Sarajevo i šire. Osnovni cilj uvođenja naplate ulaza u područje Spomenika prirode "Vrelo Bosne" je smanjenje pritiska posjetilaca s ciljem zaštite prirodnih vrijednosti pomenutog područja.

U više navrata smo pokušavali i dalje pokušavamo, a na tome ćemo i istrajati, da uvedemo praksu da samo stanovnici koji žive unutar zaštićenog područja Vrelo Bosne ne plaćaju ulaz, po uzoru na praksu u ostalim zaštićenim prirodnim područjima u regionu, dok će ostali stanovnici Ilidže biti u obavezi plaćanja ulaza.

Ponovo ponavljamo da smo svjesni problema, parkinga i ulaza stanovnika Ilidže, ali se nadamo da će ubrzo biti otklonjena.

Napominjemo da je Vrelo Bosne u 2018- toj godini posjetilo 226 340 posjetilaca s uredno izdatim ulaznicama i fiskalnim računima.

S poštovanjem,



Dostaviti:

1. Naslovu
2. Arhivi Javne ustanove